

**PARLIMEN MALAYSIA**  
**PEMBERITAHU PERTANYAAN DEWAN RAKYAT**

**PERTANYAAN : Bertulis**

**DARIPADA : Dato' Mansor Bin Othman [Nibong  
Tebal]**

**SOALAN : Dato' Mansor Bin Othman [Nibong  
Tebal] minta MENTERI PERTANIAN  
DAN INDUSTRI ASAS TANI  
menyatakan:**

**Status perkembangan terkini *National Feedlot Centre*  
(NFC) di Gemas, Negeri Sembilan yang terbiar itu.**

## JAWAPAN

**Tuan Yang Dipertua,**

Untuk makluman Yang Berhormat, perkara ini sedang dalam perbicaraan mahkamah dan oleh yang demikian, Kementerian Pertanian dan Industri Asas Tani tidak akan mengulas mengenai perkara ini secara terperinci kerana dikhuatiri akan *sub-judice* ke atas perbicaraan di mahkamah.

Namun begitu, Kementerian melalui Jabatan Perkhidmatan Veterinar (DVS) sentiasa bersedia untuk bekerjasama dengan Kerajaan Negeri Sembilan bagi meneliti dan mewujudkan model pembangunan kawasan NFC yang bersesuaian.

**PEMBERITAHUAN PERTANYAAN  
DEWAN RAKYAT**

**PERTANYAAN : BAGI JAWAB BUKAN LISAN**

**DARIPADA : DATO' MANSOR BIN OTHMAN  
[NIBONG TEBAL]**

**SOALAN : 41**

**Dato' Mansor Bin Othman [Nibong Tebal]** minta **MENTERI PENGANGKUTAN** menyatakan status perkembangan terkini projek pembangunan stesen bas di Pekan Nibong Tebal dalam kawasan Parlimen Nibong Tebal.

**JAWAPAN**

Ahli Yang Berhormat,

Kementerian Pengangkutan Malaysia tidak melaksanakan sebarang projek pembangunan stesen bas di Pekan Nibong Tebal dalam kawasan Parlimen Nibong Tebal.

Walau bagaimanapun, maklumat yang diperolehi daripada pihak Kementerian Kesejahteraan Bandar, Perumahan dan Kerajaan Tempatan (KPKT), Pekan Nibong Tebal adalah di bawah Majlis Perbandaran Seberang Perai. Sehubungan itu, status projek pondok perhentian bas di bawah Majlis Perbandaran Seberang Perai yang dikemukakan oleh pihak KPKT bagi tahun 2016 adalah seperti berikut:

BIL.	NAMA PROJEK	STATUS
1.	Menaiktaraf pondok perhentian bas di Sg. Acheh (1 buah), Kg. Sg. Chenaam (2 buah) dan Sg. Duri (1 buah), SPS, MP Seberang Perai, Pulau Pinang	Siap sepenuhnya
2.	Kerja-kerja menaiktaraf 2 buah pondok perhentian bas di Kg. Sg. Buaya, SPS, MP Seberang Perai, Pulau Pinang	Siap sepenuhnya

Untuk makluman Ahli Yang Berhormat juga, pihak KPKT memaklumkan tiada projek pondok perhentian bas di Majlis Perbandaran Seberang Perai bagi tahun 2017.

## SOALAN ( 42 )

**PEMBERITAHUAN PERTANYAAN  
DEWAN RAKYAT, PARLIMEN MALAYSIA**

PERTANYAAN : BERTULIS

DARIPADA : YB DATO' DR. NORAINI BINTI AHMAD  
[PARIT SULONG]

SOALAN :

**YB DATO' DR. NORAINI BINTI AHMAD [PARIT SULONG]** minta  
**PERDANA MENTERI** menyatakan :-

- (a) jumlah pemilikan dan pegangan ekuiti Bumiputera di dalam syarikat dan projek tempatan; dan
- (b) jumlah penglibatan syarikat serta ekuiti Bumiputra dan tempatan di dalam projek yang dijalankan oleh syarikat asing di Malaysia.

**JAWAPAN :-**

Tuan Yang di-Pertua,

Untuk makluman Ahli Yang Berhormat,

- a) Maklumat nilai aset kewangan mengikut kaum yang ada sehingga kini adalah berasaskan pemilikan ekuiti modal saham dalam sektor korporat. Maklumat terkini adalah bagi tahun 2011 dan maklumat bagi tahun-tahun seterusnya sedang dikemas kini oleh Unit Perancang Ekonomi, Jabatan Perdana Menteri (UPE, JPM) dengan kerjasama Suruhanjaya Syarikat Malaysia (SSM).

Pada tahun 2000, pemilikan ekuiti modal saham sektor korporat menunjukkan 18.9 peratus dimiliki oleh Bumiputera, 41.3 peratus oleh Bukan Bumiputera dan 31.3 peratus oleh kepentingan asing. Manakala, pada tahun 2011 pula, struktur pemilikan ekuiti modal saham di sektor korporat menunjukkan 23.4 peratus dimiliki oleh Bumiputera, 34.9 peratus oleh Bukan Bumiputera dan 37.2 peratus oleh kepentingan asing. Untuk makluman Ahli Yang Berhormat, data ekuiti bagi tahun 2012, 2013 dan 2014 sedang dikemaskini dan

dijangka akan dimuktamadkan dalam Kajian Separuh Penggal Rancangan Malaysia Kesebelas (RMKe-11).

Antara langkah-langkah yang diambil melalui program-program yang digubal berasaskan pelan tindakan pemilikan kekayaan Bumiputera dalam RMKe-11 untuk meningkatkan pemilikan ekuiti Bumiputera di bawah agenda pemerksaan ekonomi Bumiputera adalah seperti program pengukuhan ekuiti korporat oleh Ekuiti Nasional Berhad (EKUINAS). Sehingga tahun 2016, EKUINAS telah melabur ke atas 53 bilangan pelaburan langsung dan program penyumberan luar dengan nilai pelaburan sebanyak RM3.0 bilion dan telah meningkatkan nilai ekuiti Bumiputera sebanyak 1.4 kali ganda modal dilabur. Selain itu, EKUINAS dengan kerjasama Unit Peneraju Agenda Bumiputera (TERAJU) telah melaksanakan program Skim Jejak Jaya Bumiputera (SJJJ). Program ini bertujuan memberi sokongan nasihat dan bantuan holistik kepada syarikat Bumiputera bermodal pasaran kecil dan sederhana untuk berkembang menjadi syarikat yang lebih besar. Untuk enam bulan pertama tahun 2017, kesemua 13 buah syarikat tersenarai awam SJJJ telah meningkatkan modal pasaran dari RM4.8 bilion kepada RM8.4 billion yang mana telah mencatatkan peningkatan sebanyak RM3.6 billion.

- b) Kerajaan telah mengambil langkah-langkah untuk memastikan syarikat tempatan dan bumiputera secara umumnya dapat menikmati manfaat dalam pelaksanaan projek-projek kerajaan. Proses perolehan projek kerajaan buat masa ini telah mengambilkira dan tertakluk kepada Dasar Dan Keutamaan Kepada Syarikat Bumiputera Dalam Perolehan Kerajaan sepertimana digariskan dalam Surat Pekeliling Perbendaharaan Bil. 4 Tahun 1995.

Melalui TERAJU pula, telah dilaksanakan Dasar "Carve-Out & Compete" yang mana telah menghasilkan penglibatan yang lebih menyeluruh oleh usahawan-usahawan Bumiputera sektor pembinaan di dalam projek-projek bertaraf nasional seperti MRT Jajaran 1 & 2, LRT3, Lebuh raya Pan-Borneo dan Menara Warisan Merdeka PNB. Nilai yang telah berjaya di "Carve-Out" khas kepada Bumiputera melalui 13 buah projek sehingga hari ni adalah sebanyak RM54.89 billion;

TERAJU juga telah melaksanakan program-program keusahawanan dan pembiayaan yang dijalan dan digerakkan secara kolaborasi dengan kerajaan negeri, agensi-agensi kerajaan, agensi-agensi wilayah pembangunan koridor, syarikat-syarikat milik kerajaan



(GLCs) dan pihak-pihak swasta, pelbagai institusi perbankan antara seperti Dana TeraS dan Dana Mudahcara Bumiputera. Melalui Dana Mudahcara Bumiputera misalnya, sebanyak RM13.18 billion nilai pelaburan swasta berjaya dihasilkan melalui 470 buah projek diseluruh negara.

Selain itu, penetapan KPI Bumiputera di setiap kementerian dan syarikat GLCs/GLICs untuk memastikan Agenda Bumiputera turut dilaksanakan bersama. Untuk makluman Ahli Yang Berhormat, syarikat GLCs/GLICs telah mencatatkan nilai inisiatif keseluruhan sebanyak RM44.7 bilion pada tahun 2015 berbanding RM43.8 bilion pada 2014, yang merupakan tahun pertama pelaksanaan KPI di syarikat GLCs/GLICs;

Semenjak penubuhan TERAJU pada tahun 2011 sehingga 30hb April 2017, TERAJU telah berjaya mencipta nilai, peluang perniagaan, pembiayaan serta pembangunan modal insan untuk Bumiputera sebanyak RM 108.2 billion melalui 27 buah program dan inisiatif yang dijalankan melalui kerjasama dengan kerajaan negeri, agensi-agensi kerajaan, agensi-agensi wilayah pembangunan koridor, syarikat-syarikat milik kerajaan (GLCs) dan pihak-pihak

swasta selaras dengan matlamat Kerajaan untuk memastikan penyertaan masyarakat Bumiputera dalam ekonomi secara lebih bermakna dan mampan.

Sekian, terima kasih.

7 Ogos 2017